

O DROM K'O SUNO

DŽAŇIBEN LABs implementaciji

Andro projektos

Dunaj Regijonos lačharel o Drom u del buter zor le Romenge
andro vazdipen (O DROM K'O SUNO)



O DROM K'O SUNO

u o pilotna akciji

Amari era hiñi ajsi, hoj dikhas o globalna socijalna the environmentalna problemi. Jekh maškar o droma kijo lačharipen hin e socijalno invacija. Socijalno integracija hiñi o procesos andro savo pen arakhen o kulturi u chuden o unikatno sikhľuviben jekh averestar, u andro neve moľipnengro sistemas savo ačhaven sajekh ľikeren peskre originalna charakteristiki. Jekhetanes aver fundamentalno moľipnenca, sar hine e diverzita, akceptacija u phundrad'i god'i, sajekh šajipena.

O DROM K'O SUNO pilotna akciji sas kerde andro 10 thema andro DUNAJSKO regijonos: Austrija, Bulgarija, Čechiko republika, Ungriko, Moldova, Romanija, Serbija, Slovakiya, Slovenija the Ukrajina. O pilotna akciji ačhade o DŽAÑIBEN LABs u lačharde o digitalno, informačno u funkčno džañiben andre Romañi minorita. Buter inštrumenti pen neves kerde u testinde prekal o Pilota andro berša 2021 u 2022.

O DROM K'O SUNO kamel te zorarel le manušen andro romane komuniti hoj on te keren o averipen. Participativnes te kerel o neve intervenciji te zorarel

o digitalno, informativno the funkčno džañiben le Romengro the te kerel o buchle alijanciji kaj pen te keren realno hine o nekbareder doresipena le projektoskre. O pilotna implementaciji save šaj te bičhavel dureder hine kerde prekal o kolaborativna sikhľuvibnaskre laboratoriji savenge del phiko o kompjutera, u save hine sar katalizatora vaš o džañiben, praktikano sikhľuviben the digitalno drom, kaj o manuša andal o bisterde u buterval pre sera thode komuniti šaj chuden o džañibena the know-how sar te aven o informovana džene, o manuša saven hin sajekh lačno than andro khetañiben.

O sikhaviben pal o alternativna droma andro komunitno vazdipen the o džañiben pal e facilitacija prekal o kompjuterovo procesos vaš o jekhetano sikhľuviben na ča hoj lačharella e socijalno kovľi romañi populacija, zorarela the o džañiben maškar o khetañibnaskre autoriti the aver relevantna inštituciji sar te kerel o produktivno dijalogos le manušenca andal o romane komuniti, te reaginel pro khetañibnaskre mangipena, te prindžarel u sig te chudel andro vasta o akanutne šajipena andro o sakovar buter čačo digitalno svetos. E god'aver kooperacija maškar o romane komuniti, khetañibnaskre autoriti, the o lokalna komuniti hine so kampil kaj pes te resel o čačo zoralo komunitno ekosistemas.






O džaňbnaskre laboratoriji kerd'as o Inštitutos vaš o kulturna relaciji sar mobilna džaňbnaskre laboratoriji jekhetanes le foroħa Budapest, Batmonstor u Sukosd komunitenca. O džaňbnaskre laboratoriji kerde jekehtanes le Romenca andal o komuniti, eksterno ekspertenca the aver relevantno subjektenca. O partnerstvo sas kerdo te resel o nekfeder lačharipen maškar o birajipnaskre organizaciji, charitna organizaciji the o organa save reprezentinen o romane komuniti andro Budapest the Bacs-Kiskun regijonos.

O šerutno res vaš o Mobilna Džaňbnaskre Labs sas (1) mištes te sikhavel sar te pisinel o projektos u sar te kerel opre o projektos avka hoj te vazdel e kapacita andro themutnengre organizaciji vaš o lačharipena le Romenge, (2) te kerel o forum the o than vaš o but berša kooperacija maškar o partnera u te (3) aven o ad hoc (a) god'aver fora save den phiko oleske so kempel le reprezentativno romane autoritenge the romane organizacijenge kaj (b) šaj te kiden opre o informaciji u akanutne lačhe praktiki the purane prindžaripena le partnersko

organizacijendar u te (c) keren jekhetanes vaj te pisinen jekhetanes o projekta ačħade pro profilos u oda, so kempel le partnerenge.

Nekbareder aktiviti andro Džaňbnaskre Labs sas te del o informaciji u džaňiben prekal o treningova kurzi. O kidipena pen kerenas andro buter thana, le manušen akħarde (o akħarde partnera šaj akħarde mek aver partneren), e participacija sas bilovengri. O treninga sas o kidipena kaj pen dochudenas kijo džaňiben (ajso, savo sas le partneren) u the sar o kidipena kaj pes delas god'i sar te l'ikerel o čače doresipena u lačhe pašipena vaš o projektova plani, sar len te pisinel u te kerel. O treninga sas mobilna u bare kidipena prekal save pes dochud'lam kijo buter sar jekh organizacija, save sas andro procesos jekhvarestar.





O dujto Džaňbnaskro Lab sas andro Ungriko andro Zala regijonos. Zala Regijonalno vazdipnaskri agentura kerđas e serija šov IT treningova kidipena andro novembros andro Lenti, savore vaš o lokalna romane terne. O treninga sas pal o trin sorti kompetenciji:

- Informaciji u data (12 ori)
- Komunikacija the kooperacija (12 ori)
- E bidar (12 ori)

Andro jekhto blokos o participaanta sikhľonas sar te labarel e digitalno mašina, te phundravel o internetovo rodipen, te rodel u te filtrinel o web. Sajekh dikhle sar kampil te rodel e buťi pro internet, sar te kopirinel o web adresi, sar te cirdel andre vaj te thovel andre o dokumenta, sar te khelel online.





Jekh maškar o temi andro dujto blokos sas sar te phundravel o emailos u sar leha te kerel. Sikh'ile sar te formatinel o emailovo tekstos, sar te thovel o dokumenti andre u sar te bičhavel o emailos. Sikh'onas sar pes te dochudel pro networkoskre seri, sar te kerel o online themutņipen, the pal e hangoskri the video komunikacija.

O trito the finalno blokos diņas o informaciiji pal oda, save bilačhipena hine pro internet, sar pes lender te arakhel, sar te l'ikerel e situacija bidarutņi u sar te kerel le networkovo serenca, te arakhel o personalna data the o mašinakro bidarutņipen.



Slovakija



Andro decembros 2021 o slovaťiko DŽAŇIBNASKRO LAB phundrade andro sidliskos Luník IX andro Košice, kaj e romaňi komunita hiňi jekh maškar ola, so nekbuter tirinen andre socijalno ekskluzija. O Džaňibnaskro Lab sas ačhado pro trin principi:

1. **Participacijakro vazdipen:** kana o Džaňibnaskro lab kerelas le relevantno subjektenca the resoskro grupaha. Identifikacija the participacija khatar o komunitna šerutne save sas o facilitatora.
2. **Ola so sikhľon sar o centrum:** O kurikula sas kerde jekhetanes le avutne študentenca.
3. O Džaňibnaskro lab kerdo sar e naformalno schema **phundrad'i vaš o partnera** kaj pes šaj te ľikerel andro avipen

O DŽAŇIBNASKRO LAB sas kerdo vaš o duj subgrupi (jekh sas o bibuťakre u o džene so rodenas e buťi, e dujto sas o džene so kerenas buťi) save phende so sas lengre prijoriti u resa andro sikhľuviben.

O bibuťarne Roma andal o socijalno avri thod'i komunita pro Luník IX sidliskos dikhel sar o nekbuter so lenge kempel te sikhľol o džaňiben, sar peske te arakhel e buťi. Buter džene sas ajse, save but berša dživenas bije buťi, u nasas nič naužardo, hoj ola manuša pen arakhenas le problemenca kana kamenas te kerel e registracija sar ola so roden o buťa. Vaš oda o res vaš o aktiviti andro Džaňibnaskro lab vaš o bibuťarne sas te sikhavel le manušen andal e komunita avka, hoj on korkore šaj keren e medijacija te rodel e buťi andre lengri komunita. O sikhľuviben andre kadi grupa sas:

- a) O buťariben/te džanel te rodel e buťi (generalna digitalna the komunikačna džaňibena): praktikanes, kada sas te kerel o uštara u pomožipena avka, kaj te džanen te arakhel avri o problema save hin kana pes rodel e buťi u o problema andre tehnologija (sar: te džanel sar te kerel pro kompjuteris, sar te rodel pro internet, te kerel e emailoskri adresa (sar mištes te kerel o heslos, sar te prindžarel o chochade emaila u pošta, sar te kerel e formalno komunikacija prekal o email, te kerel o štrukturovano resume u te sikhľol te pisinel o motivačno ľil, the aver.) u



b) Prakticka džaňibena vaš o potencialna privatna buťaribena. O klijenta phende hoj pen interesinen pal o špecificka technicka džaňibena save šaj aven o fundamentos kana šaj keren o buťa andre komunita u pal'is the avri andal e komunita.

Vaš o Roma save keren buťi pro Luník IX o sikhaviben sas pal e čhib, kulturno identita, o dromaripen, o finančno džaňiben, sar te kerel o biznisos, the o themutňikane buťa. O aktiviti vazdenas o generalna džaňibena the digitalna džaňibena, zorarde e individualno identita the lengro mol'ipen.

a) O lekciji andre anglicko čhib vaš o bare manuša andro jekhto učipen, e buťi le kompjuerenca the internetoha, translatorencas, aplikaciji sar te sikh'ol aver čhiba korkore, the aver.

b) Romane tradiciji. Te vazdel o džaňiben prekal e dokumentacija pal o tradična the moderna romane chabena: o tradiciji andro taviben, o recepti phure dajendar, o moderna nekfeder romane recepti, o video pal o taviben, romanes le slovaťiko titulkenca, e kolekcija receptenca pal o Luník IX.

c) Bareder študija pal o romaňi čhib u o kontribuciji pre Romaňi Wikipedija, kaj pes kamel te kerel e štandardizovano romaňi čhib, e buťi le alavariha,





e bući pro internet, oda savoro vazdel o džańiben te rodel vareso u te kerel o relevantno pherd'aripen.

Aver generalno džańibena save pen vazden jekhtanes le aktivitenca hine o medijalna džańibena le špecijalno dikhipnaha pro kulturna programi the khetańibnaskre kidipena (o foto servis, video produkcija).

So duj grupenge kampil te del o šajipena vaš o:

- o digitalna the finančna džańibena: o lekciji pal o temi andal o digitalna tehnologiji the finančno prindžaripen u aplikacija andro sakod'ivesutne problemi le manušengre

- te vazdel u l'ikerel o dživipnaskre džańibena pal e personalno u digitalno bidar, te sikh'ol sar te nadžal andro bilačhipena andre digitalno luma, te sikhavel e efektivno komunikacija vaš e prevencija le konfliktengri, kerde sar e serija kidipena pal o temi relevantna vaš o identifikovana mangipena le Romendar andal e komunita:

O nekbareder resa andro pilotno O drom k'o suno džańibnaskro laboratorijum andre Slovackija hino:

- Te vazdel e aktivita maškar o rezignovana manuša, o Roma andal e komunita.
- Te del e šanca te resel o prindžaripen sar o facilitatora – o terne Roma lačharena peskre komunikačna džańibena the organizačna kompetenciji.
- Te kerel u te del buchleder spectrum aktiviti vaš o sikh'l'uviben save šaj aven vaš o kovle manuša, the o phureder džene saven nane but džańibena (namište genen, nadžanen e digitalno bući).
- Te arakhel u te pomožinel le potencijalno agentenge vaš o paruvipen andal e komunita.



Austrija

O DŽAŃIBNASKRE LABi u treninga andre Austrija sas interaktivna, 1-d'iveskre treninga, buter metodenca, sar o socijometricka aktiviti, khelenas pen o roli, individualna the grupengre aktiviti the teoretikane lekciji u o šajipena vaš o dikhipen pre peste.

O treninga sas kerde andro cikneder grupi, maksimum 20 džene, o interno vakeriben sas pal o prindžaripena maškar o džene u paš oda, hoj o treneris sikhavelas peskro, but zorales sas vazdle o šajipnaskre akciji. O participante avka chudle but lačhe inštrumenti.



O res andro treningos sas, mek so buter, te phagel o stereotipi, varesave imar šela berša purine, te del o than vaš e akcija, manevros, te zorarel e phundrađi diskusija u detailno te sikhavel sar te marel tele savore formi save lel e ekskluzija the diskriminacija. O res vaš o Džañibnaskro Lab sas to del o chaben la gođake, to phundravel o procesi vaš e refleksija u te zorarel le manušen avka, hoj pen šaj vazden anglo socijalna the individualna štrukturi kerde prekal o anticiganizmo.

Kije preventivno bući, o workšopi sakovar vazdenas u sikhavenas o šajipena vaš e akcija.

Nekbuter, o res sas te zorarel u te ačhavel o čačo khetañiben, savo del savore themutnenge sajekh šajipena vaš e participacija.

O resoskre grupi

- O džene andal e romañi komunita andre Austrija
- O trenera, o sikhavne, o terne, o lidra, o agenta
- Aver džene interesoha




Metodologija

- E socijometricko konstelacija u aktiviti, o god'aripen, o džaňibnaskro transfer, e terorija, aktiviti andro cikne u bare grupi, bijograficko buťi, aktiviti vaš o zoraripen
- E andruňi relfeksija, le rolengro khel'iben
- Te dikhel pro jekhetane buća u o šajipena vaš o jekhetano kreativno drom
- Te kerel o buchle akciji u strategiji



Sar imar sas phendo, o resoskre grupi učharenas the le dženen andal o etnicka grupi - no o workšopi sas the vaš o trenera, sikhavne, terne lidra, o agenta vaš o paruvipen, the aver dženen le interesoha. O workšopi hine kerde prekal o aktiviti andro socijometricka konstelaciji, o džaňibnaskro transferis, teoreticka lekciji, cikne u bare grupi u aktiviti lenca, bijograficko buťi, e relfeksija pre preste u kana sas o sikhaviben direktno, khelenas pen o roli. Avka, o jekhetaňibena the o šajipena vaš o jekhetano drom kijo averipen pes šaj sikhaven avri.





Bulgarija

2 DŽAŇIBNASKRE LABi sas kerde andre Bulgarija:

- Jekhto DŽAŇIBNASKRO LAB hino andro 23 Marno Pole ul'ica., Floor 4, o kher 5, Veliko Tarnovo,
- O dujto hino pre adresa, kaj hin o džaňibnaskro lab, savo phirel le partnereske vaš o O DROM K'O SUNO, Sunto Juraj so avri khelel, Suvorovo, Industrialna 20, Varna.

O DŽAŇIBNASKRE LABi andre Bulgarija hine o thana, kaj aktivno phiren o pervitinova komuniti.



АМАЛИПЕ
Център за междуетнически
диалог и толерантност





O medijatora vaš o sikhaviben u o sikhavne andro labi keren o treninga vaš o dada-daja te vazden lengre digitalna kompetenciji u džańibena prekal o treningos u sikhaven lenge o mašini. O študenta le sikhavneha Vladimir Ivanovoha kerde e kompletno renovacija u kerde o mobilno DŽAÑIBNASKRO LAB te kerel o lačhipen savora romańa komunitake.




O školakro autobusis del o foros Suvorovovo, andre leste pen keren online lekciji the workšopi. O busos sas andro but bilačhi kondicija, no andro vasta le motivovano sikhavnengre the študentengre nane nič, so našti. Jekhtovar andre Bulgarija pes prekal o projektos renovinđas o školakro busos savo sas purano u akana hino kerdo sar o mobilno džańibnaskro laboratorijum. O DŽAÑIBNASKRO LAB hino avka mobilno the thaneskro u hino vaš o paše romane komuniti, sikhavel o digitalna, informačna u funkčna džańibena le študenten, daden-dajen u normalno themutnen.

Avka, o treningovo laboratorijum hino o renovovano školakro busos, kaj hine o laptopi, televiziji, multimediji, hangoskre mašini, o than vaš o doktoris savoreha. O laboratorijum hino e inovativno bući le inovativno tehnolgijsaha. Palal



andro busos hiñi e medicko kapsula, savi pal'is o študenta kerde savenge pomožinđas o Vladimir Ivanov, ekspertno pomožipnaha khatar e šerutñi Ing. Mariana Velikova. E kapsula kerel o drom kijo doktoris, psychologos u socijalno buřarno. Andre kapsula šaj dikhen, keci kilogrami san phare, savi tumari temperature, o rateskro kikidipen, o gul'ipen andro rat, the aver. Suvorovovo oda vazdel opre sar o šerutno subjektos, u dži akana andre Bulgarija nane dujto ajso mobilno lab.





Čechiko republika

O DŽAŇIBNASKRO LAB andre Čechiko republika sas kerdo sar o hibridno drom andro foros Brno andre Teluňi Morava. O Džaňibnaskro Lab phundravel o vudar sakovar le Romenge vaš o sikhľuviben the kooperacija. Te pes mangel, šaj pes kerel oleha: o kidipnaskro kher (o kidipnaskro kher, o skaminda, o flipčartos), 2 laptopi, 1 projektoris, 1 digitalno kamera, 1 multifunkčno mašina (o printeris, o skeneris).

O čechiko džaňibnaskro lab kamel te lačharel o džaňiben maškar o participanta andro ola sferi: o digitalno džaňiben the buřariben – o profesijonalno vazdipen, karijera u lakri identifikacija, te kerel foto u video, fundamentos vaš o biznis, socijalno angažmanos.

Sar o preparatorno uštar anglo džaňibnaskro lab u workšopi te zorarel le Romenge lengre kompetenciji, o treningovo materijalos pal o savore džaňibena sas kerdo:

- O džaňiben pal o informaci u data (rodipen, filter, evaluacija u datengro manažmentos, informaci u digitalno andruňipen),
- Komunikacija the kolaboracija (te kerel e interakcija, o ulavipen, kolaboracija prekal o digitalna tehnologiji),
- Sar te kerel o digitalna buřa (o keriben, integracija the pale-keriben vaš e digitalno buři),
- E bidar (sar te arakhel o personalna data u privatna buřa),
- Te lačharel o problem (kreativno buři le digitalno tehnologijenca).

O šerutne temi andro DŽAŇIBNASKRE LABa u sikhavibena sas te sikhavel o internet the IKT vaš e feder šanca te chudel e buři, lengro prindžaripen, u sar te rodel e buři.



**Ústav
sociálních
inovací**



O internet the IKT den but šajpena te rodel e buti buter dromenca. O špecijalizovana servera amenge šaj den o informaciji save pomožinen. Vaš o bareder doresipena andre karijera kempel te kerel angomis o uštara, u vaš oda kempel te džanel te kerel le IKT, so šaj te avel o benefitos, vaj o mangipen buter serendar, andre karijera vaj dživipnaskre situaciji.

O nekbareder doresipena šaj phenas, hoj hine ajse:

- feder džaňiben the socijalno inkluzija vaš o romane komuniti prekal o kreativna u multidisciplinarna droma.
- o pomožipen andro networkingos, kolaboracija, the sikhaviben maškar o Roma.
- buter šajipen te doresel o digitalna servisa the infraštruktura.





Moldova

O Digitalno Džaibnaskro Laboratorijum andre Republika Moldova phundrade 8. decembroste 2021 andre Orhei distriktos andro Biblijoteka "Alecudonici". O buća andre diñas e nadacija Terre des hommes Moldova – 8 laptopi the aver kotora, 1 smart TV u 1 mobilno mikrofonos.

Terre des hommes kerđas o buchlo kurikulum the treningova moduli vaš o buter učipena adaptovana pro oda, so kampelas le manušenje, the le trenerenge andal o LAB, save sikhaven o digitalno džaiben. Le decembrostar 2021 dži o septembros 2022 buter digitalna džaibnaskre kurzi sas kerde andro LAB le romane manušenca, le manušenca andal o aver etniciti the le komunitno medijatorencja, buter sas o treningova moduli, nekbuter kerde avka, sar u so mangelas o participante.



Terre des hommes

Helping children worldwide.

O kurzi sas kerde andro Digitalno Džaibnaskro Lab, the andro gava kaj bešen buter Roma, o trenera andal o LAB džanas andro ola thana u kerenas o treninga.

Varesave romane participante sas jekhtovar pro treningovo kurzos kanastar ča agorinde e generalno škola (kana sas 14 vaj 15 beršengre), vaj the e zakladno škola (sar 8 – 9 beršengre). But Roma save gele prekal o kurzi phende, hoj kamen te kerel mek buter kurzi, te resel o učeder digitalna džaibena, te džanel so te kerel lenca andro lengro sakod'ivesutno dživipen vaj te džanen sar te rodel e bući, te phundravel o famel'ijakro biznis vaj te vazdel peskre profesionalno džaibena.

Bijo treningova kurzi, o Digitalno Džaibnaskro lab andro Moldova kerel e platforma vaš o kidipena maškar o komunitna relevantna subjekta, jekhetane bešipena le lokalno autoritenca te kerel e diskusija pal o problem andro romane komuniti u te arakhel o lačo drom.





Romanija

O Džaňbnaskro Lab andre Romanija hino andre Resita andro Socijalno pomožbnaskro kher.
O laboratorijum phundravel o jekhetano than te sikhľol, te vakerel peskri god'i andro workšopi, te pomožinel la buťaha, te pomožinel te resel o servisi le manušenge, te resel online servisi andro sakod'ivesutno džživipen. O laboratorijum ľikerel 1 platforma kaj pes resel o socijalna servisi, 10 notebooki, 1 multifunkčno printeris, 2 internetovo wifi thana, 1 video projektoris, 5 skaminda, 15 skaminda pro bešipen.

Sar o fokusos, prekal o konzultaciji le relevantno subjektenca, akana trin kompetenciji pen avri ile sar ola so nekbuter kampil:



1) O informaci the o džaňiben pal o data,

2) E komunikacija the kolaboracija,

3) E bidar.

O manuša vazdena peskro džaňiben, o kompetenciji, karakterova the behvijoralna karakteristiki, o paťabena, motivaciji the digitalna džaňibena avka, hoj sikhľona sar te uštarel online andro lokalno, nacionalno the internacijonalno buťakro than u avka zorarena peskre šajipena te arakhel e buťi. Sajekh, buter u feder kompetenciji vaš e buťi le IT inštrumentenca avka, hoj te resen the te den o khetañbnaskre servisa /le themutnendar/ le inštitucijene pes užarel.

O facilitatora andro džaňibnaskre labi ena 10 buťarne andal o Kotor vaš o socijalna buťa, save keren sako d'ives e buťi andre romaňi komunita u hine profesijonala, save džanen sar te vakerele le Romenca efektivnes. Sajekh o manuša saven hin o benefitos le socijalno servisendar prindžaren le facilitatoren u ena buter phundrade kije buťi lenca. Vaš o mobilno džaňibnaskro lab, o buťarne andal o Nevo Parudimos Asocijacija (o partneros vaš o DROM K' O SUNO projektos) jekhetanes le lokalno manušenca džana andro komuniti u pomožinena le manušenje direktno odoj.





Serbija

O Džaňbnaskro Lab kerđas o Kher vaš e Romengri inkluzija sar o mobilno džaňbnaskro lab. O konceptos sas kerdo hoj te vazdel o kompetenciji le koordinatoreng vaš o romane buća kana džal o procesos te kerel o uštara te pomožinel la romaňa komunitake te chudel pes avri andal e socijalno ekskluzija, marginalizacija the čoripen. E šerutňi rola le koordinatorengri vaš o romane buća hiňi odi, hoj sar o reprezentanta andal o lokalno peskro-rajipen, keren e profesijonalno u technicko asistencija andre romaňi komunita andro teritorijum savo phirel le peskre-rajipnaske hoj te resen o mangipena save hin le romaňa nacionalno minoritarat u te lačharen lengri socijo-ekonomicko pozicija. O konceptos the o užarde efekta sas definovana prekal o determinovana mangipena the užaripena khatar o relevantna subjekta. E analiza le mangipnaskri sas kerđi prekal o konzultaciji le reprezentantenca andal e khetaňbnaskri administracija, khetaňbnaskre autoritenca, potencijalna treningova participantenca, le birajipnaskre sektoriha the le manušenca, savenge oda phirel – le Romenca u Romňenca.



Andro mobilno džaibnaskro lab hiñi e tehnika, o treningova programi the e platforma.

E fundamentalno tehnika hine 3 laptopi save sas cinde sar o kotor le projektoskro.

O resa vaš o treningovo programos, o doresipena the oda, so pes sikhavel hine kerde prekal e buřakri deskripcija vaš o koordinatoris vaš o romane buřa. Sar o kotor andro O DROM K'O SUNO projektos, o treningovo projektos vaš o lařharipen andro digitalna džaibena the kompetenciji le koordinatorengre vaš o romane buřa sas prikerde.



O generalno res vaš o treningos sas te lařharel o džaiben, o prindžaripena le koordinatorengre vaš o romane buřa, kaj pes efektivno te kerel le informacijenca u komunikačno tehnologijenca the digitalno medijenca avka, hoj o pomožipen le romane muršenge the džuvlengre te avel efektivno andre socijalno inkluzija the digitalno kompetencijakri akvizicija. Save digitalna kompetenciji sas pro treninga: Informacija the o džaiben pal o data; E komunikacija the kolaboracija; Sar te kerel o digitalna kreaciji.

O Kher vaš e Romengri inkluzija hiñi e khetañibnaskri inštitucija savi kerđas o Šerutñipen andre autonomno provincija Vojvodina, kaj te lařharel e pozicija le Romengri andre Autonomno provincija Vojvodina, e platforma ela o kotor andre webovo prezentacija vaš o Kher vaš e Romengri inkluzija.




Slovenija

O romane osadi hine andro Pomurje regijonos, vaš oda o Rodipnaskro u Sikhavibnaskro Centrum Rakičan (RIS) kerd'as o mobilno DŽAŃIBNASKRO LAB. Oda hin avka, hoj the te o DžaŃibnaskro lab šaj ačhel permanentno pro than, e lokalita kaj pen keren o aktiviti hiŃi sakovar aver.

O pilotno DŽAŃIBNASKRO LAB savo kerd'as o RIS Mansion Rakiča sas kerdo avka, hoj pen lenas andre god'i so kempel le romane komunitenge.

Ola mangipena ačhile prindžarde prekal e pandemija - kana o romane komuniti ačhile palal, avri pele andal o školakro sistemas vaš oda, hoj len nasas e tehnika u o dada-daja našti pomožinde.



Mek buter, ola phureder džene andre romaňi komunita nadžanen aňi o fundamentalna buća pro kompjuteros, vaš oda našti sas te mangan aňi o nekčoreder buća, kaj pen o kompjuterova džaňibena aňi nakamen. O aktiviti pro savore kidipena sas kerde avka, hoj o manuša šaj sikhľon o fundamentalna džaňibena save lenge dena o šajipen te kerel le neve džaňibenca andro sakodřivesutno dživipen. Kada primarno hin o džaňiben pal o Microsoft Office program, vaš o pisiben, o lava. Prekal ola but nakomplikovana programi sikhľile buter džaňibena sar te kerel andro Windows program, te rodel o informaci, save kampil te del online, te kerel o printos, the aver. Varesave džene džanenas sar te doresel o informaci prekal o mobile, o sikhľuviben pal o programi len sikhavel te kerel buter buća jekhvestar u te kerel so kampil, sar te arakhel e informacija u te printinel. O res sas te zorarel le manušen avka, hoj lengri dar, hoj andro dživipen naresena so kampil andro bućariben, e socialno ekskluzija, o love so roden vaš lengri digitalno ekskluzija imar naela ajsi zorali. O bibućariben maškar e romaňi populacija (špecialno terneder manuša) hino učo, o participanta džanas pal o džaňiben, save lenge pomožinena andre bući, jekhto te arakhel le potencijalno subjekten save len šaj len adre bući,



te rodel online u te prezentinel pes prekal o lačo CV vaj motivačno ľil. Olen, save nasas mek andre bući, šaj thovenas andre lengri participacija pro ola organizovana workšopi andro lengre CV.



Slovenija

O dujto Džaibnaskro Lab andre Slovenija sas kerdo andro foros Murska Sobota. O foros phundrađas o informačno than (O Džaibnaskro lab) andro romano gav Pušča, kaj kerde but kidipena, sikhavibnaskre the konzultačna buća. O džene andal e romaňi komunita šaj chuden savore informaciji save kempel andre multifunkčno hala andre Pušča. O Foros Murska Sobota jekhetanes avere 15 organizacijenca podpisinde o memorandu pal o achal'uviben vaš e kooperacija andro informačno than andro gav. Ola 15 organizaciji andal o regijonos kerena o kidipena the o treninga save hine vaš o Roma, u bijo o lab len musaj sas te keren avri andal o gav.

E IKT tehnika cind'i ela vaš e bući the o treninga andro informačno than, vaš o kidipena the vaš e internacionalno participacija le Romengri, špecijalno kaj pen te ulaven o prindžaripena the te kerel e kooperacija jekh avereha. Avka o projektovo partneros kamel te zorarel le Romen, e Pušča the o Foros Murska Sobota andre internacionalno arena.

Aver hin, pre tehnika šaj kerel the o KS, the aver firmi savenge kempel kadi tehnika.

Mestna občina
MURSKA SOBOTA



5. "Sar te kerel the bikenel o viralna buta?
O tehnologiji u o keriben",

6. "10 uštara kijo žurnalizmus. Sar te doresel
lačhipen u te nanašavel e motivacija andre buti."

Učes kvalifikovana trenera sas akharde te kerel
buti andro DŽAŇIBNASKRO LAB. O profesijonalno
u džando treneris the facilitatoris Ihor Melnychuk
sikhađas terne Romen pro amare treningi. Sajekh,
o profesijonalno treneris Ivan Kulchytsky kerelas
o konzultaciji prekal e projektoskri implementacija.



O projektos „O DROM K'O SUNO“

Danube REgion for improved Access and eMpowerment of ROmA Development

O projektos džal: 30 čhona (01 Julos 2020 - 31 Decembros 2022)

Projektoskre financiji: 2,072,267,40 EURO

O projektos chudľas o financiji khatar o Europakra unijakre fondi (ERDF, IPA, ENI)

Projektovo web sera:

www.interreg-danube.eu/dream-road

O DROM K'O SUNO

Dunaj REgijonos lačhare o Drom u del buter
zor le Romenge andro vazdipen



Danube Transnational Programme

DREAM ROAD

Project co-funded by the European Union funds (ERDF, IPA, ENI)